

4252:



**UNIT KOMUNIKASI KORPORAT JABATAN
PERIKANAN MALAYSIA
BERITA PERIKANAN HARI INI**

**28 Mac 2025
27 Ramadan 1446H**

SENARAI AKHBAR	TAJUK
Utusan Malaysia	•
Berita Harian	• Ikan tongkol tertakluk skim kawalan harga
Harian Metro	•
Kosmo	•
Sinar Harian	•
The Star	•
New Straits Time	•
Nanyang Siang Pau	•
Malaysia Gazette	•
The Sun	•
Malaysiakini	•
Bernamea	• Malaysia catat peningkatan ketara pendaratan tuna neritik pada 2024
BenarNews Malaysia [Online]	•
Guan Ming Daily	•
Sabah Media	•

JENIS AKHBAR

UTUSAN MALAYSIA		KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN	/	SINAR HARIAN		THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF		/	NEGATIF		NEUTRAL			19	28-3-2025

Ikan tongkol tertakluk skim kawalan harga

Langkah pastikan kestabilan harga, ketersediaan bekalan susulan permintaan meningkat

Oleh Poojaseliin Subramaniam
bhnews@bh.com.my

Kuala Lumpur: Harga ikan tongkol atau ikan aya kini dikawal bawah Skim Harga Maksimum Musim Perayaan (SHMMP) bagi memastikan kestabilan harga dan ketersediaan bekalan di pasaran, khususnya menjelang musim perayaan yang lazimnya menyaksikan permintaan meningkat.

Jabatan Perikanan (DoF) menerusi kenyataan, semalam, berkata harga maksimum bagi ikan tongkol bersaiz satu hingga

BH, M.S. 19

dua ekor sekilogram sudah ditetapkan di Pahang, Terengganu dan Kelantan, manakala beberapa hasil laut lain turut dikawal termasuk ikan demudok, sagai, cermin dan cupak tiga hingga lima ekor sekilogram di Sabah.

Selain itu, ikan kembung termasuk mabung lapan hingga 12 ekor sekilogram serta ikan selayang lapan hingga 12 ekor sekilogram turut tertakluk kepada kawalan harga di seluruh negara.

Sementara itu, DoF melaporkan peningkatan ketara dalam pendaratan tuna neritik tahun lalu dengan jumlah pendaratan di seluruh negara mencecah 63,780.32 tan bernilai lebih RM781.3 juta.

Sektor perikanan meningkat
Kenyataan itu turut menjelaskan

sektor perikanan negara mencatat pertumbuhan positif berbanding 2023 yang merekodkan pendaratan sebanyak 55,222.67 tan.

Perak merekodkan sebagai pengeluaran utama tuna neritik sebanyak 16,933.90 tan bernilai RM207.4 juta, diikuti Sabah dengan 12,479.22 tan bernilai RM152.9 juta.

Ketua Pengarah Perikanan, Datuk Adnan Hussain, menegaskan pihaknya komited dalam memastikan harga dan bekalan ikan terus stabil di pasaran khususnya pada musim perayaan ini.

“Peningkatan pendaratan ikan tuna neritik, termasuk ikan tongkol, adalah bukti usaha berterusan kerajaan dalam memastikan kelangsungan industri perikanan negara dan kestabilan harga untuk kesejahteraan rakyat,” katanya.



Adnan Hussain

Malaysia Catat peningkatan ketara pendaratan tuna neritik pada 2024

PUTRAJAYA, 27 Mac (Bernama) -- Jumlah pendaratan ikan tuna neritik termasuk ikan aya atau tongkol di seluruh negara mencatatkan peningkatan ketara tahun lepas, iaitu dianggarkan sebanyak 63,780.32 tan metrik bernilai lebih RM781.3 juta.

Ketua Pengarah Jabatan Perikanan (DOF) Datuk Adnan Hussain dalam kenyataan hari ini berkata angka berkenaan menunjukkan pertumbuhan positif dalam sektor perikanan negara berbanding 2023 yang merekodkan pendaratan sebanyak 55,222.67 tan metrik.

Beliau berkata Perak muncul sebagai pengeluar utama tuna neritik pada tahun ini dengan pendaratan sebanyak 16,933.90 tan metrik bernilai kira-kira RM207.4 juta, diikuti Sabah dengan jumlah pendaratan sebanyak 12,479.22 tan metrik bernilai RM152.9 juta.

"Peningkatan pendaratan tuna neritik, termasuk ikan tongkol, ialah bukti usaha berterusan kerajaan dalam memastikan kelangsungan industri perikanan negara dan kestabilan harga untuk kesejahteraan rakyat," katanya.

Beliau berkata ikan tuna neritik yang dimasukkan ke dalam Skim Harga Maksimum Musim Perayaan (SHMMP) oleh Kementerian Perdagangan Dalam Negeri dan Kos Sara Hidup (KPDN) bertujuan memastikan kestabilan harga dan ketersediaan bekalan ikan di pasaran, khususnya menjelang musim perayaan yang lazimnya menyaksikan peningkatan permintaan.

Adnan berkata di bawah inisiatif itu, harga maksimum bagi ikan aya/tongkol bersaiz satu hingga dua ekor sekilogram (kg) telah ditetapkan di Pahang, Terengganu, dan Kelantan.

"Selain itu, beberapa hasil laut lain turut dikawal harganya di seluruh negara, antaranya ikan demudok/sagai/cermin/cupak (tiga-lima ekor/kg) di Sabah, ikan kembung termasuk ikan mabung (8-12 ekor/kg) di seluruh negara, serta ikan selayang (8-12 ekor/kg)," katanya.

Beliau berkata Jabatan Perikanan komited dalam memastikan kestabilan harga dan bekalan ikan di pasaran, khususnya semasa musim perayaan.

Adnan berkata pihaknya juga akan terus bekerjasama dengan pihak berkuasa berkaitan bagi memantau bekalan serta pendaratan ikan bagi memastikan kelestarian sumber perikanan negara.

"Usaha pengawalan harga dan pemantauan pendaratan ini diharapkan dapat membantu menstabilkan harga ikan di pasaran serta menjamin bekalan yang mencukupi untuk pengguna," katanya.

-- BERNAMA